



SLUŽBENE NOVINE

OPĆINE MAGLAJ

BROJ

7/22

Maglaj, 01.06.2022.

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača: Mirsad Mahmutagić – Načelnik općine
Tel.: 032/465-810; Fax: 032/465-817; E-mail: vijece@maglaj.ba

AKTI OPĆINSKOG VIJEĆA**262.**

Na osnovu člana 8.stav 4. Zakona o komunalnim djelatnostima („Službene novine Zeničko-dobojskog kantona „, , broj 17/08), a u vezi sa članom 5.Odluke o organizovanju Komunalnog javnog društva d.o.o. Maglaj broj 02-05-1-1019/08 od 30.06.2008.godine i člana 18.Statuta Općine Maglaj („ Službene novine općine Maglaj“, broj 8/07,3/08 i 6/08), Općinsko vijeće Općine Maglaj na sjednici održanoj dana 31.05.2022.godine, d o n o s i

ODLUKU

o davanju na upravljanje Komunalnom javnom društvu izgrađene primarne vodovodne mreže za vodosnabdijevanje naselja Misurići sa priključkom na gradsku vodovodnu mrežu

Član 1.

Ovom odlukom odobrava se Komunalnom javnom društvu Maglaj, upravljanje izgrađenom primarnom vodovodnom mrežom za vodosnabdijevanje dijela naselja Misurići sa priključkom na gradsku vodovodnu mrežu i to na potezu od vodovodnog okna VO11 do VO12,VO15 do VO18,VO16 do VO14,VO21 do VO22 označeni u Glavnom projektu primarne vodovodne mreže za dio MZ Misurići, šifra projekta:63-IB-G/13 od X/2013 u dužini L=657,73 metara, za koje je izdato odobrenje za upotrebu broj 05-19-5-2109/22 od 20.05.2022.godine.

Član 2.

Komunalno javno društvo Maglaj će upravljati izgrađenom primarnom vodovodnom mrežom za vodosnabdijevanje dijela naselja Misurići sa priključkom na gradsku vodovodnu mrežu i to na potezu od vodovodnog okna VO11 do VO12,VO15 do VO18, VO16 do VO14,VO21 do VO22 u dužini L=657,73 metara.

Vrijednost objekta vodovoda iz stava 1.ovog člana koji se daje na upravljanje i održavanje Komunalnom javnom društvu d.o.o. Maglaj, na dan tehničkog pregleda ukupno iznosi 55.575,00 KM, s tim da će knjigovodstvenu evidenciju stalnih sredstava vršiti općina Maglaj.

Član 3.

Uslovi oko upravljanja izgrađenom primarnom vodovodnom mrežom za vodosnabdijevanje

dijela naselja Misurići sa priključkom na gradsku vodovodnu mrežu, definisani su odredbama Odluke o vodovodu i kanalizaciji („Službene novine općine Maglaj“, broj 09/03).

Član 4.

Ova odluka stupa na snagu danom donošenja i ima se objaviti u „Službenim novinama Općine Maglaj“.

Broj:02-45-1-1139/22

Maglaj, 31.05.2022.godine

PREDSJEDAVAJUĆA**Svjetlana Zamboni s.r.****263.**

Na osnovu člana 7. stav 3. i 4. Zakona o stvarnim pravima (“Službene novine Federacije BIH”, broj: 66/13 i 100/13), člana 10. stav 3. Zakona o cestama Federacije Bosne i Hercegovine (“Službene novine Federacije BIH”, broj: 12/2010) i člana 18. alineja 6. i 19. Statuta Općine Maglaj (“Službene novine Općine Maglaj”, broj:8/07; 3/08 i 6/08), Općinsko vijeće Maglaj na sjednici održanoj dana 31.05.2022.godine, donosi

ODLUKU

o gubitku statusa javnog dobra u općoj upotrebi

Član 1.

Utvrđuje se da je izgubila status javnog dobra u općoj upotrebi nepokretnost označena kao:

- k.č. br. 889/2 „Pristupni put“ prilazni put površine 315 m², upisana u pl. br. 76 k.o. Novi Šeher, posjednik Javni i nekategorisani putevi sa 1/1, po katastru zemljišta, a po zemljišnoj knjizi odnosi se na k.č. br. 889/2 „Pristupni put“ prilazni put površine 315 m², upisana u zk. ul. br. 100 k.o. Novi Šeher, u „B“ listu upisano Javno dobro - Javni i nekategorisani putevi sa 1/1.

Član 2.

Katastar Službe za urbanizam, geodetske i imovinsko-pravne poslove Općine Maglaj i Zemljišnoknjižni ured Maglaj Općinskog suda u Zavidovićima će na nepokretnosti iz člana 1. ove Odluke izvršiti brisanje dosadašnjeg upisa, te izvršiti uknjižbu prava vlasništva i posjeda u korist Općine Maglaj sa 1/1.

Član 3.

Ova Odluka stupa na snagu narednog dana od dana objavljivanja u "Službenim novinama Općine Maglaj".

Broj:02-45-1-3030/22
Maglaj, 31.05.2022.godine

PREDSJEDAVALA
Svjetlana Zamboni s.r.

264.

Na osnovu člana 18. Statuta Općine Maglaj-prečišćen tekst („Službene novine Općine Maglaj“, broj: 8/07, 3/08 i 6/08) i člana 40. Poslovnika o radu Općinskog vijeća Maglaj – prečišćen tekst („Službene novine Općine Maglaj“, broj: 2/09, 1/13 i 2/13), Općinsko vijeće Maglaj na sjednici održanoj dana 31.05.2022.godine, donosi

RJEŠENJE

**o razrješenju člana Komisije za poljoprivredu,
vodoprivredu i šumarstvo**

Član 1.

Eldar Kusr razrješava se dužnosti člana Komisije za poljoprivredu, vodoprivredu i šumarstvo zbog neopravdanog odsustvovanja sjednicama.

Član 2.

Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

Broj: 02-04-1-1141/22
Maglaj, 31.05.2022.godine

PREDSJEDAVALA
Svjetlana Zamboni s.r.

265.

Na osnovu člana 18. i člana 30. Statuta Općine Maglaj-prečišćen tekst („Službene novine Općine Maglaj“, broj: 8/07, 3/08 i 6/08) i člana 36. Poslovnika o radu Općinskog vijeća Maglaj – prečišćen tekst („Službene novine Općine Maglaj“, broj: 2/09, 1/13 i 2/13), Općinsko vijeće Maglaj na sjednici održanoj dana 31.05.2022.godine, donosi

RJEŠENJE

**o imenovanju člana Komisije za poljoprivredu,
vodoprivredu i šumarstvo**

Član 1.

Muhamed Šehić imenuje se za člana Komisije za poljoprivredu, vodoprivredu i šumarstvo.

Član 2.

Navedeni se imenuje do isteka mandata ostalim članovima Komisije za poljoprivredu, vodoprivredu i šumarstvo imenovanih Rješenjem broj: 02-45-1-290/21 od 03.02.2021.godine.

Član 3.

Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

Broj:02-04-1-1142/22
Maglaj, 31.05.2022.godine

PREDSJEDAVALA
Svjetlana Zamboni s.r.

SADRŽAJ**AKTI OPĆINSKOG VIJEĆA**

262.	ODLUKA o davanju na upravljanje Komunalnom javnom društvu izgrađene primarne vodovodne mreže za vodosnabdijevanje naselja Misurići sa priključkom na gradsku vodovodnu mrežu	705
263.	ODLUKA o gubitku statusa javnog dobra u općoj upotrebi	705
264.	RJEŠENJE o razrješenju člana Komisije za poljoprivredu, vodoprivredu i šumarstvo	706
265.	RJEŠENJE o imenovanju člana Komisije za poljoprivredu, vodoprivredu i šumarstvo	706